

《佛說阿彌陀經要解》 補充講表

◎附表十七：糅合《彌陀經要解講義》、《彌陀經要解親聞記》、《阿彌陀經要釋》

○慧根增長，能遮通別諸惑，發真無漏，名慧力。

※慧根增長者，即慧光能遮見思之通惑。通惑者，三乘同斷故，名通也。亦能遮塵沙無明之別惑。別惑者，謂菩薩獨斷，二乘不斷，故名別也。發真無漏者，發真諦無漏智慧也。

○智慧觀諸法時，善能簡別真偽，不謬取諸虛偽法，名擇法覺分。

※智慧觀諸法時，即以智慧觀察五蘊諸法之時，慧照分明，善能簡擇分別。不致謬取虛偽之法：五蘊本來無我，妄執實我；五蘊本非實法，妄執實法。我相法相，皆虛偽也，與無漏智不相應；我法二空真理，與無漏智相應。如是簡別，名擇法覺分。

○若斷除諸見煩惱之時，善能覺了，除諸虛偽，不損真正善根，名除覺分。○捨覺分。

※《圓覺經》·普賢菩薩章云：「善男子！一切菩薩，及末世眾生，應當遠離一切幻化虛

妄境界，由堅執持遠離心故。心如幻者，亦復遠離；遠離為幻，亦復遠離；離遠離幻，亦復遠離；得無所離，即除諸幻。」

*離境 ↓ 離心 ↓ 遣離 ↓ 遣遣

○答：既非罪報，則一一名字，皆詮如來究竟功德，所謂究竟白鶴等，無非性德美稱。

※《教觀綱宗》云：「如來之藏，不變隨緣，隨緣不變。隨拈一法，無非法界。」

※佛是修德圓滿，性德全彰。即性具白鶴等名，而為果地所化諸鳥之名，無非性德全體所現之妙用。以德彰名，故曰美稱。

○此中顯微風樹網等音，及一切依正假實，當體即是阿彌陀佛三身、四德，毫無差別也。

※此文標指法界，即直指萬法唯心之旨。以顯西方六塵之境，一一無非全體法界。微風，乃觸塵。樹網，乃色香味三塵。音，乃風聲。此前五塵為實法，五塵落卸影子，落在意地之中，是法塵，為假法。此六塵是依報，眾生是正報。